


白沙集


六




漢書門類			
一〇三六〇	七五	六	一
號	函	架	冊

内閣文庫			
一〇三六〇	一〇	一七	三六
號	冊	架	函

内閣文庫		
番號	漢	10360
冊數	10(7)	
函號	316	111



綴じ部(喉部分)の文字など開きが不鮮明な箇所あり



白沙子全集卷之六

七言絕句

戊午秋開化吳廷介縣博校文於我省念
太夫人初度之辰在十月八日撤棘之後
幸公程之便趨歸為壽詩以送之

高下元從脚板分江山富貴幾般人吾家子弟
官情薄欲把行藏壽老親

題伍光字碑陰

戎年滄海一碑成身後何須嘆不平天遣老兄



淺草文庫

生少子千秋寒食祭公塋

兄伯饒近生一子為伍光學後

喜黃在登科

半醒半醉一儒巾黃卷青燈二十春晚醉鹿鳴
君莫訝龍頭還屬老成人

龍頭還屬老成人夜半雷聲已變春莫為晨昏

留不去安車扶上白頭親

在有老母在堂故云

安車扶上白頭親徐積當年也為貧憶昨扁舟
淮上路青山吾拜墓中人

題松雪圖

元時有個趙松雪松雪于今又屬誰一幅丹青
一瓢酒廖公來乞老夫詩

半江十詠為謝德明賦

江湖城市氣交吞誰放蘭舟繫柳根肯與漁翁
通水界白頭破浪在江門

獨速溪邊舞短蓑月明醉影共婆婆手中握得
桐江線釣破江天不要多

水面煙波白鳥低數峯青鎖夕陽西隔波莫是
仙源否恰到波心路已迷

開波晴色裊孤烟萬樹桃花錦一川夜半天風
吹海立探花人在半江船

水到江心五百弓白鷗雙起鴈孤衝竹篙點碎
菰蒲月如此風光我共公

畫紙敲針一柱詩水生花落兩天機西風捲市
塵高起也到江心不解飛

溪槎汎汎月中眠橫占波間一半天何許少年
三五輩夜深憐舫叫攤錢

碧海雲深鶴夢勞人間無地著盧敖不知居士
曾來否試向波心問小舸

醉則高歌醒復悲老仙那有獨醒時江間碧浪
三千頃都與回公入酒卮

半江秋水映斜陽幾個神仙坐水旁酒是逡巡
花頃刻一尊韓愈對韓湘

經陳氏家廟

牡蠣墻高一廟深緣岡松栢晝陰陰我家俎豆
茅茨下只少黃金不少心

題萬松庵壁

昔年曾賦萬松軒一飯松根有俗緣旋摘黃花
傳白酒真成東老對回仙

過東涌

周貢士抱乳
兒久住出迓

鄉曲論交大父餘耳根狼籍病翁書小兒莫道
無靈性也傍寒塘望笋輿

經曝日臺

周鎬所築鎬亡
無子止一女

何處猿聲更斷腸夜聞孤女哭淒涼淚痕滴著
臺旁樹縱到春風亦少芳

寄袁暉林敬

頗憶江湖林子翼小齋留飯更袁暉人心人面
人人異賢輩如前共飯時

南州香櫃久流傳亦賣東湖草屨錢莫共諸賢

理鉛槧只治香櫃過年年

暉治香櫃自給
近為社學師矣

歲首詩緘寄早梅路傍先倩秉之開而今兩眼
西風淚誰解傳聲到夜臺

若道鴟夷解了心五湖何用更千金魯連長揖
平原去風月無邊碧海深

林緝熙縣博張廷實進士何孝子子完先

後見訪既而緝熙往平湖廷實歸五羊子
完還博羅因賦四絕

春水江門一葉舟幾人來此看垂鈎浮雲一散
無踪跡飛盡桃花江水流

昨夜江門把春酒滿船明月唱陽關五羊城
中消息斷君去東吳幾日還

四百峯頭白鶴知老夫八月有幽期爾家正在
羅浮下莫向春風怨別離

長髯遺我一囊山鐵橋流水非人間我今決策
山中去踏斷鐵橋無路還

夢遊天台

路入天台第八重洞門剛與赤城通脚根點到
虹橋下一笑那知是夢中

伍伯饒送蜂窠至用韻荅之

獨憐溪竹隱花叢待得南山後到蜂昔日往來
函谷口如今只用一九封

晚蜂隊隊過山房何處歸來嘴脚香辛苦奉君
臣子分可堪奴輩日偷嘗

賽蘭花開

晴光三日轉花枝坐對微馨忽有詩
洎滴未嘗花上露南風莫只報人知
曲欄砌下少人窺戲蝶遊蜂忽滿枝
君欲尋花須早計只今猶是未開時
微風中袂細氤氲楚畹叢中別有春
啜茗亦嫌風景殺明朝載酒是何人
山花豔豔綴旒傍君愛深紅愛淺黃
楚客見之揮不去向人說是賽蘭香

次韻南山送蜜

萬古西山朽骨叢中有鳧鳧化為蜂
餓死空窠不飛去猶為君王守故封
寒花索寞不成叢口腹吾慙入臘蜂
覓蜜嬌兒啼夜半未成新釀又開封
知從何處宿花叢清曉飛來又幾蜂
定有香魂招不返遠尋芳氣落花封
處處山花好蜜房網縕巖壑為誰香
相思道遠無由寄此味年來只獨嘗

戲贈館賓

松風和雨洒柴關過午雕胡飯始飡今日華卿
休怪訝往年饑鼠齧陳山

嘗館
白沙

讀林進士信宜祭母墓文

淚血今朝灑鳳山鳳山元只在人間非關旅殯
無尋處不與皇華共載還
天涯四尺不封墳一去鳳山三十春莫辭更向
山前問恐有漁樵是異人

去付御道龍川訃至

何處龍川去不歸山南山北雨雲飛晚風捲
三千尺好與歌筵作舞衣
憶昔青陽動海濱隔年草木預知春如今行路
無顏色盡是青陽去後人

次韻柳渡頭荅鄉友

溪南溪北荔枝垂五月荷花欲捲旗忽有酒船
邀半路三杯不記主人誰
飯罷雕胡坐石磯白雲閑與鶴同飛神仙若道
吾無分那得身輕減帶圍

題林進士廷玉繼母陳氏挽卷

廷玉幼好嗜醬薑其

母每求於旁舍給之

與兒醬薑兒勿號前母生之後母勞大統岡頭
寒食酒一杯和淚洒香茅

五月菊

露飲霜飡不記秋黃花三昧室中求區區形色
多相似爭得先生為點頭
小變春紅作淡粧山亭初見一枝黃醉中忽眩
東籬眼起視金錢著屐忙

二頃南風秫正青督郵未到長官亭眼前雖有
黃花在不與陶公解醉醒

題梁景行天壺書屋

打土編茅費幾錢白雲深夜一燈懸知君未是
壺山主只借壺山過兩年

糞粥朝朝長白寺衣冠夜夜百原山三年枕席
何曾設一紙家書亦不看

元夕

村南村北此宵同好景難消一老翁在處恐妨

年少樂踏歌歸去月明中

正月菊

春到東籬花亦知紅桃白李更當時東風自領
芳菲去也為秋香作意吹

廬阜高歌九日杯盡將秋意放花開誰教也向
東風裏點破千紅萬紫堆

次韻吳縣博別後見寄

聖賢生處是中華何處天涯何處家夫君認得
幽棲處江門月底釣魚槎

昨夜江門詠月歸今朝又領衡山詩千仞岡頭
一振衣乃見廬岡點化機

題一峯遺墨後

何知卷

穆穆熙熙在眼中君家卷裏忽相逢蒼煙綠樹
湖西路何處金牛吊一峯

何生告還新喻因憶希仁先生平生故人
不相見十有六年悵然有作附生它日見
之為我道之

忽忽人間十六年與公信息兩茫然不知今日

江門路還到湖西是幾千

淵明愛菊

白衣剛到黃花下醒長官為醉長官社裏新知
僧酒主門前高枕石蒲團

和靖愛梅

懊惱梅花未有詩孤山馬上又攢眉後人拈出
前人句作者元來自不知

茂叔愛蓮

不枝不蔓體本具外直中通用乃神我即蓮花

花即我如公方是愛蓮人

潘岳愛桃

潘郎本自愛桃花種向河陽幾萬家世有長官
如孟子還除花地付桑麻

廢宅逢梅

花間無主竹籬空小徑斜穿曲巷通賴是暗香
能不息短筇破帽得相逢

與客夜飲

擊節歌聲未出門照書燈火已眠尊老妻喚醒

蒲團夢更與殷勤煮菜根

辭徵文者

平生語默鬼神知破戒隨人老可媿三日裹糧
無此客手携空卷下階遲

崔潛送菊坡先生遺像至適鄉人送紫菊

一株遂以答之

高風千古鎮浮華
凝酌寒泉薦菊花
江上一株紅帶雨
丹青同日到山家

舫子

此身天地一虛舟何處江山不自由
六十一來南海上買船吹笛共兒謀

木犀

曉枕東窓睡不來木犀造次隔籬開
阿田小孫名也拍手黃鸝到寫盡春風得意杯

東風披拂滿林塘脚債東山也未償
捫虱不禁春意動日華初吐木犀香

茗碗朝朝怕侍兒采花莫采稱心枝
床敷愛就東窓暖分付東風敵面吹

人間花草鬪春肥粉蝶黃鶯接翅飛也愛白頭
肝肺好木犀墻下嚙朝暉
名花得見太平年擊壤聲高壓管絃化日熙熙
春蕩蕩華夷何處不同天
白頭無酒不成狂典盡春衫醉一場只許木犀
知此意晚風更為盡情香

書易隱求銘旌後感而有作

一題八字八低回滿眼淒涼筆下來春社去年
人不見茅簷燕子又飛回

山林交分晚相投詩在寒江紫菊舟君去落英
還對我獨吟春雨看江流
半雨半晴鶯亂啼溪邊夫人還杖藜不見舊時
遊走伴白頭衝雨更衝泥

移海棠花

小朶輕紅帶雨香柔條深翠引風長道人不是
看花客肯把墻隈借海棠

曉飲忽醉擁禪衣坐睡

三杯過卯得瞢騰坐擁禪衣問殺更下砌握刀

山竹冗開門負水海棠生

弄筆

白日一醒塵土夢青山誰計蠲骸春時當可出
寧須我道不虛行只在人

弄水忘歸真洒脫看山扶步小逡巡等閑未許
丹青手搭颯平生畫此巾

鵠鵠育雛于貞節堂東壁壁高且危二雛
墮地下乃就而哺之悲鳴徬徨如在無人
之境予憐之取雛納之巢紀以是作

將雛無力上椽題聲斷殘陽翅忽低高棟托身
君亦悞鷓鴣安穩只卑棲
海鷗來往未忘機鵠鵠能言掠砌飛母去巢危
雛落盡啣蟲巢畔待雛歸

江上

遲遲春日滿花枝江上群兒弄影時漁翁睡足
船頭坐笑卷圓荷當酒卮

有懷故友張兼素

穆穆熙熙只此風今人未見古誰同意中我了

牛醫子且放山齋水墨中

長安風雨閉門間陌上浮雲沒馬鞍從此江西
人勿論夫君高只比廬山

萬里長安看我病夜闌兩馬出携燈如今只有
西涯在宿草江邊露滿塋

何宇新赴南京來白沙告别云此行且復
見定山時秋已盡矣以詩送之

孝子已為人所稱世間留者乃何情故鄉莫作
多時別阿母墳頭草又生

浦口柴扉幾日開江門煙艇暮秋回交情亦似
長江水南北年年送往來

閔光宇傳

君艇君齋古所呼忘年忘病舜之徒莫言外史
無憑據曾見當時拉背奴

戲題顧進士瓊林宴圖

黃屋門前緩轡行上林花映 賜衣明恠來老
眼模糊甚道是尋春杜少陵

梅花

湖上詩仙骨已塵江門半樹復撩人携田拉碗
朝朝去江上田家秫酒新
雲隔溪扉水隔塵梅花留月月留人江門半醉
踏歌去紗帽籠頭白髮新
春風處處馬蹄塵岸北花神冷笑人二十四番
紅紫醉一番零落一番新
馬蹄懶踏六街塵閑憶當年拄頰人江海衣冠
零落盡梅花還對白頭新
精神交月不交塵看到黃昏故可人拈出孤山

難狀處一年詩債又從新

桃李安能踵後塵玉妃全是耐寒人瘦筇拄破
梅村月要看南枝出格新
梅塢風高不起塵短筇聊立探花人山塘水淺
時窺影喜與年光不闕新
風迤微香洗渴塵獨行山路不逢人梅花歲歲
還依舊只看何人著句新
詩思梅花兩絕塵破窓殘月夜窺人明朝走馬
東西去壁上空留醉墨新

白沙子全集卷一
雪崖江畔杳香塵天與孤高遠俗人不忘滄波
別時意一枝還遣到圖新

次韻廷實進士送倫長官出遊

我夢名山爲點頭名山到處是真遊床頭買酒
黃金盡那向長江更買舟

新年田家

古田同井今同村同坐杯盤到子孫合是田家
愛元日白頭拄杖拜人門

麥秀夫於城南小渚中累土結茅居之容

一之馬伯幹取酒共醉桃花下各賦詩爲

樂秀夫謁余同作附其韻

春光淡蕩桃花潯絕岸回風落碎金一路潺湲
煙鎖斷無人知道此溪深

川練縈紆島上花世間遙望赤城霞仙源不比
函關路老子來時坐一槎

我夢桃花何處潯水清蘋白一籬金美人家住
紅雲島欲往從之江水深

手拄藤枝鬢插花夜收沆瀣曉飡霞貴人已隔

門前水野老還通月下槎

紅白花開綠渚潯風光買我不論金輞川不借
閑人看只愛詩家著語深

漠漠春煙淡淡花竹邊孤嶼閣飛霞春江水滿
秋江水更著新槎換舊槎

安期只在海東潯何處名山浪鑄金欲向桃花
問消息柴門深鎖碧溪深

武陵春盡水流花洗却耶溪十丈霞晝坐竹根
看未足滿蓑明月夜紫槎

東潯披卷盡西潯海月秋連萬頃金卷裏我能
題百首溪蓬斟酒莫辭深

閉門春雨可憐花誰共花前傾紫霞但放此杯
深似海田公肚裏得橫槎

得倫長官詩疑其果於遊而未可以遊次
韻復之

一百青錢解杖頭樽中有酒勝閑遊門前春浪
高於屋莫向長江弄破舟

短檠細字寫蠅頭衰老而今尚好遊何處與君

白雲子集卷六
十七
談半偈玉臺留作濟人舟

贈張進士入京

五年不出獨何心萬里行囊又一琴
難寫別離今日意江門春水不如深

有心誰莫弄兒嬉孔老枝條我亦知
風日小塘君不顧竹林藤篔自皇羲

能將糟粕委諸書影響人間不受驅
五百年中名世出先王政教果何如

津頭日暮送夫君別意那堪更遣聞
芳樹鳥鳴

山雨過柴門空閑一溪雲

玉臺居士玉臺眠碧海三山病枕前
君欲有爲休問我白頭世事已茫然

會餘湯餅欲春闌往即公程亦不難
不獨有官兼有子老親羸得一開顏

南風吹上石門舟又到西華寺裏遊
記得聯舟此相送而今空有雪盈頭

昔曾寄住長安寺潦倒滄溟夢不回
何處思君還有夢青山斜日兩徘徊

次韻東所送薑酒

寧知生蚤與生遲真鳳真麟出以時何處氤氳
薑酒氣香風吹入野人卮

病起朝天果未遲出門剛遇鳳來時兩山居
士何如喜一飲從教累百卮

與廷實看李世卿題竹

來看竹上舊題名已有清風挹世卿天矯龍蛇
不堪捕安知不是野狐精

題熊氏桐軒

湖海逢君四十年破琴殘韻尚依然棹歌本是
閩南調傳到于今更不傳
桐軒云是勿軒孫何處江湖何處村古錦囊中
風韻在幾時彈向白沙門

飲馬氏園贈童子馬國馨

日轉芭蕉覆竇鳴飛飛蜂蝶喜新晴衰翁醉卧
溪園裏一曲春牛和國馨

六歲能誦予
春牛之句

白髮跣趺溪樹根還從地主見諸孫醉中自唱
漁家傲擊碎花邊老瓦盆

喜晴

西林收雨鵲鳩靈卷被開窓對曉晴
風日醉花
花醉鳥竹門啼過兩三聲

得沈大參時賜漳州發來書荅之

前後題緘兩度收春風無鴈到漳州
青燈一榻
南都夢回首于今二十秋

悼舊

里中興沒一浮雲六十年中幾度聞
只恨墳荒
無祭掃前村更有未封墳

何潛死於十年
并其母皆未葬

馬文祥寄五氣朝元鑪至

隱者年來少在山白雲幾片落人間
玉臺小徑
蓬蒿底吾對吾鑪盡日閑

人間葷血共歡娛誰作朝元五氣鑪
自汲山泉
煮春茗不留俗客魚江魚

合是神仙太乙鑪旁通五竅似連珠
如何水火
收功用去問劉安下手初

眼前詩景浩相撩何處丹鑪火又消
莫笑道人
歸未得秋風雲路幾扶搖

五月二十六雨

民謂二十五六七日有雨主豐

時雨時暘歌帝力今年今雨卜年豐路旁酒價知天道何處醉鄉眠此翁

六月一日不雨

民謂此日有雨主旱

窓眼陰晴曉未分一年憂樂稍相尋山林自慣清涼極且放今朝到鑠金

圖新書舍中植蕉數本壁間李世卿題句

潮州饒鑑至讀之有所興起勉以小詩

一寸芳心卷却春竹枝遺響落圖新潮州客子

來何暮還對芭蕉索楚人

贈梁景行赴春闈

宗烈平生讀書處老夫題作小壺山壺山不解

留君住君著壺山夢裏看

夢亡友袁德純侍御

再試宜興割鷄手置之栢府公巖巖如何不返

龍川駕遺恨千年在嶺南

自別君來十九秋江門暮雨忽相投當時呼酒

留君語却到如今羨海鷗

白沙集卷六
周侍御文化將訪白沙阻風江上連日以
詩逐之

長風不打盡船回更為山靈掃玉臺走馬城中

具茶果青天白日繡衣來

積雨是日
得大霽

將晴積雨此何時我病山中久不知驄馬今朝
在何處江邊人吏望旌旗

昔者吾聞周柱史青牛紫氣出函關有心來鼓
南溟柁信息朝來已到山

懷胡大叅希仁

魯連謝去都無事范蠡歸來未了心三十餘年
窮學道而今方識古人深

先生齒髮今如何我髮秋來白又多若與先生
論出處江門只好聽漁歌

梅下雜詩

虛名每被詩家賣素艷常遭俗眼嗤開向人間
非得計移根天上白龍池

向暖南枝已播詩北枝向冷尚遲遲肩輿欲過
江門去爭得春風剪拂之

梅花信是菊花傳賞到梅花又一年處士豈非
詩俊傑長官元是酒神仙

題瑞鵲卷

序云成化九年余被薦入京過江浦訪孔暘莊先生送予揚州偕行至六合縣經宿而去當是時周君文化令六合有聲後八年莊先生病猶卧家予乞終養歸侍下亦衰且老周君以監察御史按治吾廣過寒舍道舊於是周君舉莊先生昔者所為賦瑞鵲詩俾予和之

瑞鵲多年我眼中笑烹牛鼎夜燈同如今柏府
開詩卷還對樽前兩病翁

贈化州守鄭順解官歸

湖上鷗夷久買舟清風明月幾宜休未知進退
存亡事只問歸來鄭化州

贈羅梁還程鄉

一峯諸子在通家生死交情俗可嗟泉壤有知
開口笑江門來共看梅花

飛出一帆何處風道人眠處玉臺東春光一路
相隨去朝雨渡頭花欲紅

世道如今覺我非衝寒猶肯到柴扉江門春酒
無多少須勸羅生一醉歸

翩翩雙屨一長筇意氣憑凌四百峯肯向程鄉
留一載長官真好主人翁

一客三旬住玉臺梅花正傍玉臺開客心暗與
梅花契去到明年臘又來

蓬島煙霞圖贈羅定直

一峯先生之子也

丹青誰弄煙霞筆題贈湖西公子行携過羅浮
莫開看羅浮怕有異人爭

鱖林別駕汝和

昔歲逢君郭隗臺揚眉撫劍泰山推紛紛白眼

醜豪俊只有余公解愛才

別駕一城聊塞北短檠諸子自江南平生抱負
何由見塚上銘詩仔細參

赤江經雨草淒淒山北山南路欲迷怕到使君
投轄處黑雲堆壠鷓鴣啼

有時江畔倚秋藤裊裊如聞擊楫聲春色眼前
人不見江花江水總含情

大田看山

春泥沒屐大田潮溪北初經獨木橋千丈峯頭

望東海三山正對杖頭瓢

縣取脚色

蕭蕭白髮映春漪脚色年來自不知滿眼江山
難具報只將年月載公移

炒蜆憶世卿

蜆酒三鍾一曲歌江邊長袖舞婆娑如今歌舞
人何處慙愧春鐺蜆子多
奴拾枯枝給早炊鐺中風味此奴知春風解憶
江門否正是江門蜆賤時

雨中漫興

種桃之歲在單闕種竹如今又幾年竹長桃枯
人老去釣船春雨日高眠
急起翩翩白鶴雙黑雲將雨欲迷江人間未有
高棲地何處深山著老龐

問厚郭胡父子起居於其鄉人蘇

居儻厚郭一鷄飛桂樹于今大幾圍老憶舊時
燈火伴青山何處望霏微

讀宛陵先生歷覽昔賢皆泯泯尋思魯叟

自波波

几上凝塵封玉軫南風不入琵琶引仲由言志
夫子哂當泯泯時須泯泯
著漁蓑了唱漁歌受制江山老奈何溪上女兒
閑抹鬢東塵西市走波波
泯泯波波世與身都官兩語到頭真後生更把
遺詩笑公亦人間半醉人
波波泯泯不同時靜久無憂動輒疑聖人坐北
吾遭逸天下蒼生怨望伊

次韻羅明仲先生見寄

白頭一枕小廬山偶寄孤松十竹間朝市山林
俱有事今人忙處古人閑
高軒頻過武夷山曾聽仙歌九曲間坡公莫被
山僧笑只得今朝半日閑
誰輕朱紱愛青山回首波波泯泯間萬籟無聲
天宇靜先生還似野夫閑
三月啼鶯正滿山傍花隨柳水雲間古來曾點
稱如許不是天公不放閑

武夷碧水照丹山按部時還到彼間東坡也被
山僧笑只得今朝一日閑

偶閱岳季方題商山四皓圖次韻

道窮夫子不東周歷世紛紛講智謀四老若將
三傑比真成飲水勝封侯

水墨誰將畫此圖山人搔首看盧胡花水諸峯
流落盡白雲猶為隱屠蘇

虎困龍疲戰兩間孤標千丈起商顏不將老眼
看人世肯為留侯誤出山

定惠安劉理不難紫芝歌已動長安試將脚色
從頭看高祖如何敢溺冠

閱周溪圖作贈劉景林歸呈尊甫翁肅庵

程鄉令

太極無階不可躋却從樓上望周溪周溪書院在太極之

南旁夾天泉井名在書院兩旁十丈無人汲雲谷亭名在太

極之老翁來杖梨

月色溪光盪兩楹酒醒開眼得蓬瀛試問老仙
誰接引春陵雲谷兩先生

兩仙何處舞霓裳天上人間思渺茫
脚底飛雲三萬丈隨君不得到程鄉
水北原南秋更多滿川明月濯纓歌
長官要結溪山好去問南昌乞釣蓑

東白張先生借予藤蓑不還戲之

月下溪邊逐影行還聞何處瀉溪聲
扶君直到源頭看七尺芙蓉贈一莖
咫尺溪光谷口分谷中人語隔溪聞
明朝更下山亭去溪上清風可送君

丁明府置莊蕭二節婦祭田邑人訟而奪之

歲月人間豈待深等閑興廢遞相尋
祗應節婦墳頭月還照當年茂宰心

贈晉江掌教陳昌期赴任

身為五典三綱主官作司徒典樂看
教授蘇胡元有樣莫將資級小儒官

村晚

漁笛狂吹失舊腔采菱日暮鬪歌長
老夫獨面

東溟坐月上孤琴未解囊

對菊

溪遶廬岡宅遶沙眼前酒伴眼前花登高此地
從頭記三十六回無孟嘉

因花催酒酒催詩詩酒平生兩不虧秋到若無
詩與酒看花元似不曾知

菊徑旁通水背村秋光蕩漾短籬門與儂別樣
何粧點笑插金英滿鬢根

映山映水兩三叢移上山亭愛殺儂千古冷香
吹不斷長官頭上帽簷風

籬前水色映花光來坐漁竿弄晚芳西北酒姬
解人意問人沽酒壓糟甬

代簡荅吳撫州次定山韻

何許蒼生望不休翩翩皂蓋擁諸侯定山也未
忘情在更把黃州贈撫州

送子長遊玉臺兼懷林緝熙

十里崖雲古色黃白龍高映玉臺光山僧莫信
閑饒舌那得神仙此處藏

山肯留人月肯留好山好月好人遊誰還望見
羅浮影疑殺平湖五字謳緝熙遊圭峯詩云是個小羅浮
來時溟滓許同科曾聽圭峯踏月歌今日君騎
地官馬白雲招手奈君何

贈袁暉用林時嘉韻

白首看雲共此臺青山明月小遲回何時得見
春風面更到明年二月來
風雨相留更晚臺邊爐煮蟹饒君回扁舟夜鼓
寒潮柁又是江門一度來

植竹爲垣土作臺野橋分路到溪回江門若比
瞿塘水何處遊人肯上來

青山依舊鎖溪臺前度遊人去不回賴是山人
無訴牒有人真本賣山來

冬至日示袁暉用前韻

面壁山人不下臺老陰消盡少陽回白雲影靜
千峯裏紫菊香騰十丈來

袁暉久在白沙候容貫不至以詩來和之
冷雨淒風寄我臺香林草屋夢空回山中酒伴

何曾見水上詩瓢只謾來

擬於精舍旁結小庵以處袁暉

精舍巖西擬一臺松高竹密路斜回草庵半屬
袁郎了好帶茶園一櫃來

次韻贈胡地曹

梅塢傳觴是偶同小桃催放數花紅人間愛見
春風面天上還看斗柄東
今雨到門君又同四人對飲夜鑪紅眼前莫道
東溟遠我欲乘槎更向東

荅蔣方伯

筆下橫斜醉始多茅籠飛出右軍窩如何更作
山陰夢數紙換公雙白鵝

得蕭文明寄自作草書至

草聖留情累十春熙熙穆穆果何人如今到處
張東海除是譚生解識真

魏晉名家是一關前驅黃米未知還却疑醉點
風花句四海于今幾定山

東茅十丈掃羅浮高榜飛雲海若愁何處約君

同洗硯月殘霜冷鐵橋秋

送棋荅之

遺我紅棋索我歌狂歌不飲奈棋何大崖山下
無人寄日盡千瓢舞破蓑

大崖世卿讀書處也

雙鳳石

在七星岩其一為好事者取去族子冕以書來索題

雙鳳巖棲豈遠而玉臺西望斗光垂蓬萊水闊
無因到願借山人一隻騎

鬼鑿寒巖萬丈開翩翩雙鳳忽飛來而今石化
孤鸞在何處人間去不回

龍山吟次韻陳冕

龍山氣鬼小終南行者何年住此庵黃雲道人
飛兩脚也到白龍天際巖

何處龍山吊古墳忽傳佳句到黃雲始知佛是
西方我報荅人間父母恩

老柱高擎何處天滴醯洗蘚認當年山僧猶話
飛來日撞破龍山一道煙

第一山人俗姓盧脚踣塗字也碑趺寺旁老塔
依然是却道乾坤種種無

浮生日月易消磨回首龍山月一阿想得當時
盧行者笑人叉手縛諸魔
風雨江門罷晚墟隔船燈火夜呼盧驚回一覺
龍山夢閑對雲僧講地圖

次韻蘇伯誠吉士

魯水何剛愛一沂江門新浴試新衣長風夜卷
殘雲去公抱大江明月歸
我浴江門點浴沂藤蓑自樣製春衣尋常只著
藤蓑去細雨斜風釣不歸

喜楊敷至

笠影于今落海潮十年雲水夢相撩一雙我辦
雲卿屨萬丈携君訪鐵橋

新年試筆

舍下水生春水開竹間波弄碧洄洄東風日日
江門道不盡官船打鼓來

對影

風月情真詩浩蕩江湖水濶蓑飄翩丹青不是
江門影又畫瞿曇又畫仙

雨中偶得

高浪張燈何處船
客邊風雨夜如年
行人自有明朝路
莫遣陰晴不爲天

題陶憲長畫唐詩圖

詩中之畫畫中詩
晴雪孤舟蕩晚暉
同在五湖煙水內
是鴟夷不是鴟夷

雨後觀園

二月平原水亂流
微茫生意益初浮
黃茅翠甲驚人眼
是我曾無為草憂

愈憲莆陽李公自海南征黎過白沙

蛇窟縱橫木短弓
霜風何處捲飛蓬
清時欲獻征黎頌
血刃猶誇甲冑雄

飲名酒

徐孺眼欺湖水碧
龐公心死鹿門深
尊前水月千千頃
手上絲綸萬萬尋

觀競渡

快意深時恨亦深
干戈何處不相尋
誰將五月龍舟水
盡洗中原虎鬪心

白沙子鈔集 卷六
贈茶園何視履翁

讀易溪邊日已斜
晚風吹落釣魚槎
江門水月真無限
也照先生帽頂花

題王廷直畫

曲肱帶酒眠花間
有月穿松到我前
人去華山今已久
丹青猶畫在山年

贈畫師

高枕松根不記秋
秋來春去幾時休
山中此夢公能畫
我有黃金贈一舟

次韻馬廣重過白沙

綠榕陰裏早秋天
又借漁翁半日眠
三度搗梧携過此
如今不記是何年
陰晴十異不同天
獨樹溪邊看雨眠
何處引杯歸未得
相思真有日如年

葵山小睡次韻謝天錫

閒到忘閒始是閒
閒中消得幾葵山
曲肱枕斷踈桐影
夢遶白龍池上還
無心可比白雲閒
白雲被風吹出山
道人肯比

桃花水流向人間更不還

送劉程鄉遊玉臺

春草揚敷曾醉處秋風又拂長官衣黃雲不是
棲賢地纔到黃雲便說歸

葵山受諸持齋者拜戲作示之

山花山鳥共諧嬉山石危橫步不知笑領頭陀
稱老宿真成老子是嬰兒

次韻張別駕古勞望白龍池

一泓何處瀉天池泡沫君看水面粲若對崑崙

修缺典數篇休欠白龍詩

睡起

天地蜉蝣共始終十年痴卧一無窮道人試畫
無窮看月在西巖日在東

候方伯東山劉先生

幾處龍光發夜函畫船信息滿東南津頭小吏
殷勤報坐藝爐香月底庵

贈夏進士昇

春日春風江漾沙官船不發對山家山杯一舉

山翁醉笑點青藜數岸花

顧別駕欲人以號稱不以官口號取笑

別乘官高上元簿夫君英氣蓋東南何須不學
程明道只要人稱顧勉庵

書稱顧別駕勉庵別駕詩以博笑

勉庵別駕今相隨書法兼之蓋亦宜若道是名
皆外物因君分別却生疑

顧別駕來教民板築復以詩見示次韻奉

答

斛板親傳易簡方旁觀點點復行行無人不拜

先生賜茅屋家家是土墻蕭中呼板築之具曰斛板

宿雲卧軒

世間何喜復何悲風雨蕭蕭過短籬小睡正酣

童子問公今是夢是醒時

不妨到處與人群借宿山齋酒半醺我得五龍

傳睡法枕痕猶帶華山雲

了無意緒向諸緣到處茅椒可借眠白日與人

同在夢不應疑我是神仙

讀漳州張太守功德碑

罷守三州卧兩山漳州面目此碑間郡人欲識
蒙庵老也傍斯文捉一斑

次韻黃澤飲酒見寄

南山北山花笑人有酒不肯延佳賓請君試向
西園看又戒黃鸝一半春
拚飲如何更問人樽前不見李元賓晨朝有酒
晨朝醉莫待黃昏老却春

謁鄧家山墓

擲谷鶯聲向此沉遶墳春色為誰深紙錢灰冷
桐花落已被愁風捲到心

送扇與萬松庵

山中團扇織朱藤小把還誇入手輕見說高齋
蚊嘴赤夜深來撲老先生

次韻劉方伯東山見寄

一為雷雨沛西東十郡民歸岳伯功我有江門
水千頃春來只好浴鳧翁

松隱輓詩

薛庶憲
父也

清靜忘機樂未休水風何處弄浮漚典刑今在
山頭月曾照踈松枕畔秋

送薛庶憲江門

江上看雲獨送君廬山雲亦華山雲解衣半餉
雲中坐纔出雲來路又分
無端聲色謝盲聾多少人心弊弊中萬里青天
今日送江門津口一帆風

東山於我問漁磯君見東山詠我詩莫共越人

謀出處直夫先謝外臺歸東山劉時雍也陳壯字直夫江西僉事山陰人

謝東山惠廣西酒

月下花前舞影歌桂江酒美獨斟時眼前莫道
都忘却也向東山有報詩

李評事題其弟世卿詩卷曰采菊蓋取予

贈世卿古詩首句語名之因題

是處江山有釣蓑相逢休要問如何閑吹黃鶴
樓前笛即是廬山采菊歌

次韻世卿再至白沙

脚底白雲無定方風流到處賀知章這回却是

無人見走共漁翁酒處藏

茂卿評事惠扇荅之

時世卿在館中

遠望不見大崖山君家兄弟果皆難不知風動
今多少也到先生掌握間

度楚雲臺前小橋

一木欲度溪岸高江門夫人放步牢脚底太行
開幾片秋風隨處灑鴻毛

用前韻荅張直兄弟助修楚雲臺

託契青蓮意便高千秋分付此臺牢先生醉拍

藜床笑笑殺楊朱斬一毛

偕一之世卿詣楚雲臺偶作呈世卿

小立三人靜楚雲水田漠漠向秋分千峯笑指
來時路黃鶴樓前月是君

半床明月半床雲光景行窩到幾分眼角東溟
秋一片邵堯夫也不如君

代簡奉寄饒平立明府

何處思君獨舉杯江門薄暮釣船回風吹不盡
寒蓑月影過松梢十丈來

寄廷實制中

東閣摩挲舊雨琴青山回首又秋深制中面目
今何似折盡寒燈半夜心

聞黃澤發解

笑領秋風第一花文章誰敢謗飛沙狂歌欲買
花前醉不怕無錢付酒家

和林子逢至白沙

一樣春風幾樣花乾坤分付各生涯如今着
我滄江上只有秋香撲釣槎

秋夜楚雲臺小集贈俞溥

新秋有客來信豐風月此杯聊此同江山闊幅
無人話六七青袍一病翁

憶衡山呈世卿

身輕何處謝炊煙石洞松脂不記年尺牘已通
南岳主一丸還有白龍仙

今日山齋擁敝綿幽懷抱膝又經年湘中憶我
無歸路更住衡山幾日船

楚山西望翠重重說著衡山便不同九尺仙筇

倚墻角待君來問祝融峯
曲肱何處枕湘流不到名山死不休高詠祝融
峯頂月與君當作逍遙遊

即事

照眼春光爛不收江亭一雨欲成秋道人不是
閑鷺蝶肯為陰晴一日愁

謫仙亭

遷客一亭眠海濱當時誰號謫仙人花汀柳市
無疆界盡是乾坤一樣春

世卿還黃公山

黃公椽子李家山水國初歸作夢看愛殺在家
兄弟好一壺春酒對承顏

謝金方伯曆

扣門驚睡雲霞曉洗手開緘日月新莫笑土床
空耐冷薇垣又借一番春

聞周京春試下第遣黎公往報其家

浣壁小兒期大魁倚門慈母夢歸來春榜未登
非惡報開緘莫欠老黎杯

聞東山先生領都憲之命脩理黃河以詩寄之

䟽鑿紛更日已多
乾坤無奈一黃河
天生會有龍門手
人世空傳瓠子歌

題山水小畫寄姜知縣

泉聲山色正邦心
誰寄漁蓑渭水潯
解點無中含有意
世間除是畫工深

送蔣誠之考績入京

塵埃局促非天遊
大翼豈肯捨揄休
王明受福在今日
野老放歌回白頭

沈石田作玉臺圖題詩其上見寄次韻以復

到眼丹青忽自驚
玉臺形我我何形
石田雖有千金貺
老子都疑一世名

得世卿永興書

山堂見月自鈎簾
一榻秋光中酒眠
何處博舟來嶽下
晚搖山影過湘川

方伯金公顧白沙次韻荅之

晚飯對公山閣雨尊前又拜歲書新別來試把
梅花數三十六回江上春

題一峯傳稿後

一峯獨去江湖遠千古長留列傳新歲歲桃花
滿東岸只將榮謝記冬春

閔都憲惠曆

前曆將窮後曆新臺端兩度拜山人東西嶺外
今何地飛盡嚴霜是好春

送林時嘉

南川夢裏舊青湖何處青燈一榻孤留取幽禽
守花月隔林還與盡情呼

次韻陳冕

課試失期無了日酒杯勸影有長春風流倘帶
龍門選不愧當年第一人
西遊笠頂是青天每愛前村酒處眠秋雨閉門
人不見依稀猶記下江年

冕與張別駕約遊清淇

長江月色浩無津愛月撐江別駕真借問此來

誰主約翩翩猶是未官人

寄題邵西澗

澗裏仙蒲幾節來澗邊塵跡尚封苔
賒君澗水西頭月并與蒲香入酒杯

悼區孟章

序云章姓區氏順德人四十不娶棲迹空山委志逍遙漠然不

知人亦一世之欣戚何如亦一奇士也

一坐虛寒誓不歸病危何處覓刀圭
青山若問

君來去只有當年海月知

悼馬龍

序云龍從一峯先生遊頗見意趣一峯賦道南詩送之後為仕進

心遂失其故步至不得一第而死亦命也夫人生幾何徒以難得之歲月供身外無益之求弊弊焉終其身而不知返若林琰皆覆轍可鑒惜哉

道南詩卷出湖西恨失當年馬上携
高枕何如一峯好夕陽回首萬山低

次韻顧別駕留宿碧玉樓

次韻顧別駕留宿碧玉樓

序云弘治七年夏六月按治廣

東侍御熊公欲創樓于白沙水湄為往來相接之地謀始事于我郡主林先生遂盡聞于藩憲諸公議既定別駕以按治之命來相地是夕宿白沙碧玉樓遂次韻奉

白雲滄海共悠然病榻年深別駕眠
領略可勝

諸老意一簾疎雨對江天

信宿留公豈偶然山中麋鹿避人眠
乾坤多少登臨意一洞天深一洞天
一弛一張皆自然嘉賓未醉主人眠
兩鳩相對山樓午喚得晴天作雨天
不相同處是同然三十年來辦一眠
何處白雲堪作雨白雲封斷白龍天
勾引漁郎恐未然桃花巖下笑人眠
白頭我亦人間睡不是桃源洞裏天

偶憶廷實遷居之作次韻示民澤

君將肝肺托諸詩我道溪山是外圍
人或疑容未信已如深信不妨疑
小勝江山大勝詩斬關直出兩重圍
自家真樂如無地傍柳隨花也屬疑

湛民澤携諸生遊圭峯甚適奉寄小詩呈

文定上人

天風吹入紫雲層高閣逢秋快一登
多少傍花隨柳意還餘一個玉臺僧
秋落遙峯翠幾層不知何處嘯孫登
而今小坐

黃雲者誰道方袍不是僧

洞崖秋蘚碧層層奪竹穿松際曉登想得紫芝
初入手汲泉鑽火欲呼僧

閣天孤峙老稜層萬古荒臺萬古登君逐我來
無記性東坡言是德雲僧

山斗為羅一峯作

青天白日一峯尊碧玉先生歛衽看四海未知
山斗價一錢相售是君難

曲論迷真亦異哉乾坤何代不生才今誰敢避
愚公號曾作夫君北斗來

觀黎秣波先生畫像

羊裘不釣世間名考蹟桐江更考情散髮松根
坐磐石葫蘆無酒對先生

無詩無影不留真描畫先生到幾分賴有當年
親點筆一聲孤鶴在秋雲

次韻周憲副孟中見寄

黃花簪滿碧方巾已作人間了事人籌策廟堂
無我夢只將杯酒托經綸

白洲子集卷之六
金帶纍纍夢欲通
庭柯忽撼夜來風
白頭相見知何日
挑盡殘燈碧玉中

代簡荅黃太守

韓山片石舊空聞
尺札秋風此拜君
隱几獨慙非老手
得逢青眼看斯文

次韻廷實見示

擊壤之前未有詩
擊壤之後詩堪疑
風花雪月人人是
又墮風花雪月圍

騷壇處處自張圍
我不操兵世莫疑
翠壁青林端有句
傍花隨柳却無詩

寄題張主事小西湖次韻

咫尺波光對五湖
滿城况是眼中無
山禽自闢聲音好
來傍竹林眠處呼
人間風月幾西湖
居士園中亦偶呼
千樹梅花一隻鶴
可曾認得主人無

龍江鄧翹送晚菊

氤氳何處送花舟
歲晚相看碧玉秋
笑把一杯花亦笑
年年公酒為花留

白沙子全集卷六

次韻送藤枕

萬事無心一片雲再來西華打眠人紫藤一枕
誰分付盡日酣酣紅樹根

悼陳冕

不飲亦狂飲亦狂醒中說夢醉中忘乾坤早暮
蟬蛻化不是芙蓉不耐霜

東方欲白星漸稀一場春夢曉鍾時伯道有子
常事耳劉蕡登科人不知

風入梅花迤少香月臨江閣有微霜去年此夜
客劇飲此夜今年人悼亡

寄左行人

白狐可改先公墓我許還公尺券書漢老未還
東白記也憑門下一吹嗟

左行人寄惠倭金酒錢醉中賦答

睡鄉元自醉鄉分醉興深時睡興深六十七回
春又過茅柴不啻注倭金

劉景仁自雷州別二親還永豐過白沙贈
之

白沙子全集卷六

何處寒笳動曉風江門別舸太匆匆半肩不是
雷陽物何得雷陽在夢中

與鄺筠巢求蘭

楚畹當年不盡花每逢秋露憶君家白雲只隔
扶溪水不使餘香到白沙
墜露聲殘楚水昏一杯何處醉湘魂山人口是
遊蜂嘴不到扶溪竹下門

次韻王樂用僉憲見寄

春到江門好放舟放舟處處是天遊能將公事

此中了何啻于今第一流

拍拍滿胸都是春一聲未唱已通神新詩若道
堯夫是只問堯夫是底人

謝生得京醞以為美使致白沙開幕視之
空樽而已乃因發一笑

十千美譽酒家聞屋裏茅柴且賞真偶對泥樽
開口笑先生不是醉鄉人

題李子長畫

青山影裏人家少綠樹陰中石徑微偶出洞門

回首望白雲何處有柴扉
谷靜山深樹幾叢溪邊白石可青筇詩中此景
多相似只恐詩家是畫工

寄鄧俊圭

韶州西去是衡山楚客舟從嶺左還時李世卿取道廣西

還武欲語祝融天上事思君迢迢見君難子與

昌約遊衡山云候世卿歸途過樂昌更與後圭期定今不果矣念之悵然

外祖父無子以姪孫林廣為後廣之曾大
父以一身兼兩戎籍不能辦而一之為子

孫世役久之業盡人亡惟有廣耳有司今
又以廣補北京鎮南衛伍自是而後林氏
子孫在新會者無子遺矣立壠之守委之
誰耶予力不能振之賦二詩贈廣庶有識
而憐之者

茅簷家具盡隨身老婦嬌兒日可親有夢只尋
立壠去不須回首問耕人
淚盡廬岡失母家塚傍枯樹也無花平安莫遣
無書信一度春歸一度嗟

贈劉別駕蕭庵解官歸永豐

西來雙棹不曾休再過江邊碧玉樓共說湖西
歸去晚客心應未死金牛

一蓑歸去釣秋江花近漁舟水亦香却笑此翁
閑未慣水中鷗影尚回翔

朱門誰道不如貧笑把狂詩寫贈人日暮孤舟
向何處野花啼鳥故山春

得廷實報定山謝事歸憶東白仲昭諸先
生有作

也曾收得定山書三月天曹謝事初見說定山

長在病當時不出意何如

當時不出意何如得喪難逃真數書更憶往年

張學士西山對面說河圖

西山對面說河圖遠志誰將小草呼今古聖賢
不同調各留一影落堪輿

各留一影落堪輿嘆息乾坤幾丈夫脫贈藤蓑

君亦愛江門春雨憶皇都

江門春雨憶皇都個個先生六十餘必有嘉言

告 當宁他年應得史臣書

題空夫卷為余行人作

三十年來學鍊空凡身猶在有無中到門有客
求題句不是空夫果是公

題吳憲副累葉傳芳卷

壺山八面照莆陽吳氏傳來奕葉芳莫向通衢
高綽楔只談世業教諸郎

荅張梧州書中議李世卿人物莊定山出
處熊御史薦剡所及

德行文章要兩全乾坤回首二千年自從孟子
七篇後直到于今有幾賢

多病為人未足羞遍身無病是吾憂眼中誰是
醫和手恨殺刀圭藥未投

右李世卿

欲歸不歸何遲遲不是孤臣托病時此是定山
最高處江門漁父却能知

右莊定山

買舟南岳去尋醫七十今年病不支傾蓋獨憐

熊御史肺肝今徹野人知

右熊御史

鄧督府欲得慈元記上石答之

西涯許撰慈元記大手文章不要多拙作豈堪
傳勝事如今此石未湏磨

東山規矩趙生成頃者一緘傳到京有廟未應
無祀典老夫重敢告先生

偶得示諸生

平地工夫到九層不知那個主人能他鄉消息
無尋處去問嵩山戴笠僧

江雲欲變三秋色江雨初交十日秋涼夜一蓑
搖艇去滿身明月大江流

寄李世卿

衡岳千尋雲萬尋卅青難寫夢中心人間鐵笛
無吹處又向秋風寄此音

永順彭宣慰世忠堂

宣慰之堂名世忠靈溪水與滄溟通如今百丈
高銅柱又見兕孫起故封

白子全集卷六
次韻送林大叅之任廣西
病裏逢春實怕春對花著語未驚人今朝縱有
狂詩送不是當年翰墨臣
東西嶺表非無事經濟術中怕有心何處老仙
來救世刀圭倒盡藥囊深
碧玉高樓架紫雲世間應笑此樓深忽聞夜半
鵬風起九萬扶搖好在今
夫子當時見逝川一聲浩歎不知年東溟更比
川流闊不共東溟一派傳

和荅姚主事

問我平生遺我詩清風明月想襟期此心若道
元無事似我江門看水時

雖乏向用之才忝有晦藏之地引步朱陵
寄懷青玉李拾遺徵之不至上疏何為張
乖崖抹火事嚴徒勞分爭因而有作

海北多年一釣船大翼遨空魚躍川盡言天下
知音少白雪不知何處絃

題健齋費子克殿元號

化機浩浩不曾停剛見群龍面目成誰道名齋
無此意江門月上看潮生

讀罷有感

坐掩殘書慨古今白頭契分向誰深頂門欲試
回生手爭得各家一寸鍼

海北汪廷舉新作懷沙亭修古書院冷香
橋於海上遣使歸圖并求慕竹樓記值予
在病後以是詩

海邊西望海雲遮何處懷沙不見沙壁上畫圖
君試看冷香今日日落誰家

忽然土木見經綸嶺海于今一使君忙殺多年
簿書手可能談笑起斯文

獨憐不見竹坡翁慕竹樓高月已空欲點山茅
照西所一瓢無計引春風

次韻送海北使阮刊

春日溪邊送阮郎桃花半落溪水香相逢休問
來時路大舶不知何處洋

次韻李子長寒菊

四尺霜莖一寸葩幽香何只暗浮丫借令歲晚
無人見不做人間九日花
水北一叢含數葩梅梢寒月過籬丫茅茨可儗
從人愛不賣廬山半畝花

羅服周呈所作丁知縣祠詩因憶舊臘寄
示菊花諸詩比今為又長一格賞之以詩
醉舞黃花落鬢毛當時詩語太矜豪春風再詠
其棠下又長黃花一格高

鄧秋波六十一偶失一賀小詩索笑

六十光陰一鳥過一瓢還許醉秋波只今那有
茗溪叟日日尊前聞放歌

寄吳別駕獻臣

一官萬里向西行雪錦樓高別駕登若問野人
何處所失陵洞裏白雲層

羅江許薄偶然逢又得成都一信通惟有大厓
李居士洞庭何處醉春風

贈烏文瑞

回首長汀路幾多琴書又打鐵橋過趨庭若問

東南事曾聽江門一放歌

某昔過淮見平江總戎禮遇甚至都閩王
侯厥配陳氏於平江總戎戚也一日過予
白沙相與道舊平江今為天下兵馬元帥
相去萬里無由幸會雖隱顯殊途然於公
之舊德未嘗一日忘也因事賦詩托侯為
達之詩曰

不見平江十七秋春風秋月夢何悠病中忽見
東床面却憶淮南是舊游

和荅王僉憲樂用

春在城中不見春城中春不是長春湛生羞作
春風面故向人間更避人

靜處春生動處春一家春化萬家春公今料理
春來處便是乾坤造化人

春王正月衆家春望柳尋花我自春先生欲學
程明道莫厭尋花傍柳人

一物春知物物春一年春亦萬年春總在乾坤
形氣內敢誣當世謂無人

寒江獨釣

我道非空亦非小萬事舍旃終未了朔風吹雪
滿江天我只弄我桐江釣

杜甫遊春

碧柳黃鸝三月盡江湖風雨萬篇詩花前濁酒
不得醉驢背春風空自吹

秋江晚渡

扁舟何處渡長津水闊煙生不見身莫向西巖
歛高揖天涯時有暮歸人

莊子觀泉

珊瑚瀉下天花爛仰首白龍高十萬丹青已會
識者心誰道漆園非具眼

荅石阡太守祁致和

六年飽讀石阡書習氣于今想破除雪月風花
還屬我不曾閑過邵堯夫

程節婦詩鍾氏狂客之女

風俗當年壞一絲直到于今腐爛時欲論千古
常事除是渠家節婦知

贈按治侍御王公哲

明朝驄馬又何之眼見東巡西怨時短歌忽被
風吹去都落人間作口碑

偶得

白雪陽春誰會彈莫愁天下賞音難江門夜半
看明月想到朱陵青玉壇
朱陵我居青玉壇五岳雖雄無此山鍾期老仙
還未還高山流水我須彈

次韻送陳秉常之荆門州任

不辭遠道赴荆門不避兒童笑稗官閑望白雲
飛綵水脚頭落處洞門寬

紫蓋垂陰宿霧收下臨雲夢此何州黃鶴飛來
一回顧不盡荆門天際頭

得手未償燈火債設心豈異賢良科世間膏火
煎熬外無奈箕山處士何

題山泉為林節推

高厓百丈到滄溟咫尺寒泉萬里清若道眼中
惟見水老狂何意向詩傾

吳瑞卿送菊用東坡韻答之

江山搖落見霜葩
枕畔香風到細丫
不是先生愛孤寂
人間回首已無花

題畫雲窩

若個丹青可此翁
雲窩自有主人封
扁舟一去無踪跡
黃鶴樓前望五峯

送人

寒水江門可半篙
漁翁江上理魚舠
狂歌欲送夫君別
却顧樽中無濁醪

次韻張廷實見寄

兩脚著地此何關
白雲與你同去還
正當海闊天高處
不離區區跬步間

歲月人間古又今
斯文興廢迹相尋
崔嵬百丈皆平地
西上一筇何處深

黃別駕報世卿將來白沙

君去廬山幾度春
君來不來桃花新
花日喜逢黃別駕
共對廬山說故人

送陳仲治用舊韻

萬言策進 大廷對三百人爭甲榜名醉放漁
歌此相送白頭閑動少年情
北斗非將列宿論乾坤五岳太山尊俯仰四時
觀物態雨餘何處步高原

久病吟

梅花未發先肩慵落盡梅花未整巾明日廬山
春又至仰眠樓上歲華新

卜室大雲山

雲屋久住大雲山我亦雲中借半間未愁此地

厚封淺擬帶朱陵一洞還

縣送春至

四角圭田酒入唇長官送我意何勤莫言自有
長春在也共人間一歲春

謝伯倚得孫送薑酒至

七十一年雲水中半江老隱舊知儂一杯引滿
為君喜伯倚今朝又作翁

漫筆

一蓑春雨江門釣萬里長風海上吹南岳歸來

無一事小廬峯頂卧觀時

喜聞劉亞卿得請還東山

平生畏就人間飯向晚還同此鶴棲今夜開懷
看邸報東山歸卧祝融西

觀時

山雲將雨過桃溪晚脫萬紅何處溪年光也逐
溪流轉已送啼鶯過隔溪

寄陳仲冶金臺

萬里傳聲仲冶裘上林春好任郎遊而翁八十

二春秋浩笑江邊碧玉樓

憶世卿

楚鄉迢迢廬山春君來不來花又新引筇踏爛
廬山月折得梅花懶寄人

題湛民澤家廟

忽然突兀見新堂遠抱飛雲萬丈光主翁合是
比閭長此地還成禮義鄉

張廷舉送薑酒至

七十謬為人所尊直從西埭到東墩一杯引滿

白沙子全集 卷六
為君喜廷舉今年始抱孫

別廷實張主事

萬丈祝融何處山三年碧玉夢相關多少畫工
傳不去都沒賢今畫幅寬

寄題五峯為葉本厚父作

清世誰堪住五峯石床三尺白雲封祝融三畝
終留我略與先生脚板同
扶溪作飯江門喫五峯夫人予未識何當坐我
五峯前共對梅花說周易

贈張不已

不已心期不已知明年八月戰秋闈摩天氣吐
三千丈蟾闕高板第一枝

感事呈宋督學先生

祿位升天元有命情懷化俗却無醫道不易行
休怨已仁非可讓更由誰

寄廷實主事

稀煮鼎內還丹意枳殼墟邊待酒心明朝許約
西遊步一寸稀煮地萬尋

和荅林方伯待用春日見寄

對花把酒春無幾寡欲安心老合知病過冬春
還引望中天月色幾盈虧

舊雨春歸鶯不知雨晴鶯老落花時月露滴開
鶯眼膜乾坤不了一盈虧

荅陳靜軒過訪

公是登堂拜母人往來不倦拜丘墳通家無論
鄉閭舊八十頭顱事事真

丁長官祠示里人

古人冷淡今人笑此山谷詩也此義足起人

聞聽莫遣藤蘿終得意頓令簫鼓不聞聲

寄李白洲都憲

東南遺愛望重臨萬里滇南恨正深引領東山
歸去路騎牛跨鳳許相尋

諱日有感

十二月逢哉生龜江山為爾生愁色黃昏庭樹
鳥上啼一聲何處江樓笛

送梁宗烈赴春試

夢入天門看春榜榜中不記狀元名世間此夢
真何夢說到梁生似有情
君持素履向朱門五色雲中見 至尊且莫輕
言天下事須將風俗究根源

枕上

仲尼不作周公夢天下共嗟吾道衰總為乾坤
元氣薄聖人誠處衆人知

與張東白

入忙抹火張忠定正遠飛章李拾遺何故山人
都不作山人貪睡起常遲

答陳中貴見訪

積歲江門幾度過不將錦繡薄藤蓑雪坭鴻爪
他年夢記得漁翁此放歌

題慈元廟呈徐嶺南紘

前有東山後有徐慈元風教萬年垂嶺南他日
傳遺事消得江門幾句詩

江門釣瀨與湛民澤收管

小坐江門不記年蒲裯當膝幾回穿如今老去

還分付不賣區區敝篋錢

皇王帝伯都歸盡雪月風花未了吟莫道金針

不傳與江門風月釣臺深

江門漁父與誰年慙愧公來坐榻穿問我江門

垂釣處囊裏曾無料理錢達磨西來傳衣為信江門釣臺亦病夫之

衣鉢也茲以什民澤將來有無窮之託珍重珍重

與湛民澤

六經盡在虛無裏萬理都歸感應中若向此邊
參得透始知吾學是中庸

江門釣臺

何處江邊著釣臺楚雲滇月盡收回若比桐江
還勝槩千年埋沒一朝開

再用韻與湛民澤

日斜劉九放船回層起江門水底臺浩浩碧波
山鎖斷潮打崖門兩扇開

民澤祖樵林居士搆堂於上游庄民澤乞

題

入雲堂搆昔人開蘭桂香風次第來黃雲山高

幾千夫后山前日寄聲回

次韻張廷實讀伊洛淵源錄

往古來今幾聖賢都從心上契心傳孟子聰明
還孟子如今且莫信人言

曉枕

聖賢都從一上來時止時行道與偕若使春陵
爲孟子光風霽月更襟懷

漫筆

浩笑江門點舊詩詩中幾度見承箕他日携書

南岳住却話山樓浩笑時

贈楊中順德楊明府之子

山下柴扉不浪開楊生端為老夫來欲報封君
無一事只將狂句贈生回

哭景暢

詰杙為楹四十秋纔醒一夢便長休名登鼎甲
死亦枉老撫諸孤病只愁

影翳山樓痰吐夜寒生老屋病及秋渡中短紙
誰封附遠大為詞解我憂

廷實有疏

聞東山先生得請歸賦此

青玉之壇橫素琴絕無人地五峯深碧雲鎖斷
元無路東山東山何處尋

問馬默齋病於其姪孫馬大年

荔顆紅時酒正多口瘡不飲奈公何
即君解記春牛否還爲而翁一放歌

林樟貢士入京告行于白沙贈之

乖崖揀火出人間造次來分太華山
收拾如吟到山處明朝不見鷓如船

枕上謾筆

正翕眼時元活活到敷散處自軋軋
誰會五行真動靜萬古周流本自然

荅容彥文見訪

累糧縛鴨問廬山久病勞君每厚顏
若問廬山近來事重陽過後菊花殘

次韻東所見寄

若水清風當頽出山人莫道不前知
拍手江門春信早黃鸝飛上綠楊枝

白雲子全集 卷六
六九
答文定上人

千金帖子忽飛馳
洗手開緘只汗頤
前代昌黎今我是
恍然海上記留衣
神交今在識荆前
再結前生未了緣
果蒙道力相扶起
蚤晚東林對長官

鍾太守美宣輓

詩人自古例多貧
恨殺滇南金帶新
公與定山貧到老
已有陳黃一輩人
天下功名無我關
只緣我自愛江山
若對江山元沒興
紙錢灰冷未知閑

夢遊衡山遇南極
數老人來過却須
先生作主與諸老
對酌洪崖壽崖在
傍歌詩以侑觴
合坐皆喜予以詩
一首識興云

衡岳去天能幾何
一株松下月明多
南極老仙騎鹿過
一瓢斟月兩崖歌

題任明府思親樓
卷用定山韻

人間何處不樓居
亦有如椽大筆書
定山夫人都不管
一拳不脣老何如

碧玉樓晝夢扶病出遊村徑甚適忽安福
羅進士携彭秀才來訪遂書以贈之

春早春寒著莫人黃鸝轉處暖初勻狂心剛被
風吹動走遍南垞到北津

泉石爲順德張氏題

江山幾處堪還我泉石邊頭合有人高著一雙
無極眼閑看宇宙萬回春

羅浮春寄民澤

海上花開萬玉林閉門碧玉夢相尋不知開處

花多少折盡羅浮半夜心

九肋踳跣清楚闊九苞真與黃雲深復有鳳凰
山上月遍照羅浮玉洞春

陳海蓬諸子冠畢來見贈以詩

兄弟參差作鴈行春風碧玉喜同登近午天風
吹鴈去翩翩吹入紫雲層

周方伯至白沙

天上客來尋故人江門月下足音聞便傳一點
江門信逢著桃源且問津

偶得

一碧光橫南岳前
靈壇秋玉青相連
道士來携三尺木
高山流水一聲絃

答送茄瓜

兩頭肥綠壓肩斜
五月江園始送瓜
童子近前與翁語
小籃瓜底是新茄
同將形色委人間
竊比高松一鶴閑
口腹累人都未免
茄瓜籃裡又詩還

白沙子全集卷之六終

